

**/մաքսային կանոնների խախտման վերաբերյալ
վարույթ սկսելը մերժելու մասին/**

«04» սեպտեմբերի 2023թ.

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարյանս, քննելով Նիդերլանդների թագավորության քաղաքացի Անդիասան Հուլզինգայի (անձնագիր՝ NPFJ1J530) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

Նիդերլանդների թագավորության քաղաքացի Անդիասան Հուլզինգայի կողմից 14.08.2022 թվականին Մեղրիի մաքսային կետ-բաժնով թիվ 05100041/140822/0000719961 մաքսային մուտքի օրդերով ՀՀ է ներմուծվել RAPIDOO մակնիշի, 2018 թվականի արտադրության, ZFA25000002807867 նույնականացման համարով, SK-078-S պետհամարանիշով տրանսպորտային միջոցը: Ժամանակավոր ներմուծման վերջնաժամկետ է սահմանվել 21.08.2023 թվականը, սակայն մինչ այդ ժամկետի ավարտը վերոնշյալ տրանսպորտային միջոցը չի արտահանվել ՀՀ տարածքից, որի արդյունքում խախտվել է հետադարձ արտահանման պարտավորությունը:

04"09.2023 թվականին իրավախախտման առկայությունը կամ բացակայությունը պարզելու նպատակով, սահմանահատումների վերաբերյալ հարցում է կատարվել ՀՀ ՊԵԿ Ներքին անվտանգության վարչությանը:

Ի պատասխան հարցման՝ ՀՀ ՊԵԿ Ներքին անվտանգության վարչությունը տրամադրել է քաղաքացի Անդիասան Հուլզինգայի սահմանահատումների պատմությունը, համաձայն որի վերջինս 26.08.2022 թվականին ժամը 09:18-ին Բագրատաշեն պետական սահմանի անցման կետով RAPIDOO մակնիշի, 2018 թվականի արտադրության, ZFA25000002807867 նույնականացման համարով, SK-078-S պետհամարանիշի տրանսպորտային միջոցով անցել է Վրաստան:

«Մաքսային կարգավորման մասին» ՀՀ օրենքի 301-րդ հոդվածի 1-ին մասի համաձայն՝ «Մաքսային կանոնների խախտում է համարվում անձի կատարած անօրինական

գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն: Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության»:

Նույն օրենքի 309-րդ հոդվածի 1-ին մասի համաձայն՝ «Ֆիզիկական անձանց կողմից հետագա արտահանման պարտավորությամբ Հայաստանի Հանրապետություն ներմուծված անձնական օգտագործման տրանսպորտային միջոցները սահմանված ժամկետում Հայաստանի Հանրապետությունից չարտահանելը, եթե հետագա արտահանման պարտավորությունը խախտվել է ավելի քան տասն օրով՝ առաջացնում է տուգանք՝ ֆիզիկական անձանց կողմից այդ տրանսպորտային միջոցներն ազատ շրջանառության համար բաց թողնելու նպատակով ներմուծելու համար նախատեսված **մաքսային վճարների** (բացառությամբ մաքսային մարմինների կողմից մաքսային գործառնությունների իրականացման համար գանձվող պետական տուրքի) **մեծության տասը տոկոսի չափով, բայց ոչ պակաս, քան երեսուն հազար դրամի չափով**»:

Նույն օրենքի 332-րդ հոդվածի համաձայն՝ «Մաքսային կանոնների խախտումների վերաբերյալ գործը քննվում է պատասխանատվության ենթարկվող անձի մասնակցությամբ կամ Վարչական իրավախախտումների վերաբերյալ Հայաստանի Հանրապետության օրենսգրքի 267-րդ հոդվածով սահմանված դեպքերում՝ տվյալ անձի բացակայությամբ:

Մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս»:

«Մաքսային կարգավորման մասին» ՀՀ օրենքի 324-րդ հոդվածի 1-ին մասի 2-րդ կետի համաձայն՝ մաքսային կանոնների խախտման մասին հաղորդումն ստանալուց հետո՝ եռօրյա ժամկետում, մաքսային մարմնի կողմից իրականացվում է օրենքում նշված գործողություններից

որևէ մեկը՝ կայացվում է գործի վարույթ սկսելը մերժելու մասին որոշում՝ վարույթը բացառող հանգամանքների առկայության դեպքում:

Այսպիսով, վարչական մարմինը, քննելով գործում առկա ապացույցները, գտնում է, որ նշված տրանսպորտային միջոցի հետագա արտահանման պարտավորությունը Նիդերլանդների թագավորության քաղաքացի Անդիասան Հուլզինգայի կողմից կատարվել է, հետևաբար քաղաքացու արարքում «Մաքսային կարգավորման մասին» ՀՀ օրենքի 309-րդ հոդվածով նախատեսված մաքսային կանոնների խախտման հատկանիշներ առկա չեն:

Հիմք ընդունելով վերոգրյալը և ղեկավարվելով «Մաքսային կարգավորման մասին» ՀՀ օրենքի 324-րդ հոդվածի 1-ին մասի 2-րդ կետով՝

Ո Ր Ո Շ Ե Ց Ի

1. Նիդերլանդների թագավորության քաղաքացի Անդիասան Հուլզինգայի նկատմամբ մաքսային կանոնների խախտման վերաբերյալ գործի վարույթ սկսելը մերժել:
2. Որոշման մասին հայտնել քաղաքացի Անդիասան Հուլզինգային:
3. Պարզաբանել, որ «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից:

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ

ՄԾ ԳՆԴԱՊԵՏ



ԱՐՏԱՇԵՍ ՂԱՄԲԱՐՅԱՆ